



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Petri Chrysologi Archiepiscopi Ravennatis, viri
eruditissimi atque sanctissimi, Sermones In Evangelia De
Dominicis & festis aliquot solemnioribus totius anni,
insignes & peruetusti**

Petrus <Chrysologus>

Lvgdvni, 1623

De eisdem, Sermo LXXXIX.

[urn:nbn:de:hbz:466:1-50232](https://nbn-resolving.org/urn:nbn:de:hbz:466:1-50232)

Eliam virtutibus repræsentat, & Christum. *Præparet Domino plebem perfectam.* Quam in vobis Deus, & Dominus noster præparare & confirmare dignetur in gloriam nominis sui.

De eisdem, Sermo LXXXIX.

*Gen. 5.
luxia
LXX.*

Luc 1.

2. Cor. 2.

*Infra ser-
mone
127.*

OMnia quæ à Deo creata sunt nobis bona sunt, & bona valde: dicente scriptura: Et vidit Deus omnia quæcunque fecit, & ecce valde bona. Ergo omnia quæ à Deo creata sunt, bona sunt, & valde bona: sed inter vitia, virtutesque media sic habentur, ut ex ipsis, & periti doctrinæ materiam sumant, & erroris causam inueniant imperiti. Sapientes namque creatorem creaturæ contemplatione cognoscunt: stulti verò dum creaturas ipsas Deos existimant, sapere nequeunt creatorem. Hinc est quod Solem, Lunam, Stellas, aurum, lapides, ligna, Deos sibi fecerunt Gentiles, quæ Christiani addicta suæ sapiunt servituti. Nec mirum sic esse mediam creaturam, quando ipse creator omnium Christus est fidelibus in salutem, infidelibus in ruinam, Euangelista dicente, Hic positus est in ruinam & resurrectionem multorum. Apostoli etiam aliis habentur in mortem, aliis habentur in vitam: Paulo probante, cum dicit: Quibusdam sumus odor mortis in mortem, quibusdam autem odor vitæ in vitam. Ergo & Evangelicæ lectiones fiunt bonis intelligentiæ salutaris, malis verò erroris occasio. Antehac Euangelista beatissimus, cum referret Joannem Baptistam Herodis adstrictum vinculis, adulteriis Herodiadis extinctum, truncatum in præmium saltatricis, sensimus aliquos fuisse permotos, cur Deus sacrilegæ sanctum, adulteræ virginem, Angelum addixerit saltatrici. Fratres, virtutes Joannis, Herodis crimina abundanter alio sermone

sermone tractabimus: nunc eloquamur quæ vinculo-
rum causa, carceris, quæ necessitas, quæ mortis utili-
tas fuerit in Ioanne. Ioannes non potuit mori com-
muni sorte, qui natus est priuilegio singulari: cum
Christus Deus nasceretur in carne, Ioannes angelus
est generatus in terris, vt ita officia terrena officiis se
cœlestibus miscerent, sicut humanis se diuina misce-
bant, & in terra Deo Angelus, Domino ordo cœle-
stis obsequij non deesset. Sed audiamus ordinem na-
scentis Ioannis, vt causas mortis eius inuenire possi-
mus. *Fuit, inquit, in diebus Herodis Regis Iudæ, sacerdos*
quidam nomine Zacharias, de vice Abia, & uxor eius de
filiabus Aaron, & nomen eius Elisabeth: Erant autem ambo
iusti ante Deum, incedentes in omnibus mandatis & iusti-
ficationibus Domini sine querela. Oratores magni & ex-
cellescentes ingenio, quoties illustrium virorum pa-
rant narrare virtutes, auos, atauosque commemo-
rant, vt ad honorem præsentium accedat digni-
tas antiquorum, & laus patrum filiorum redundet
ad gbriam. Maior est innata gloria, quam quæsita:
præcidit quod venit ab origine, quod sequitur ex la-
bore gloriam beatius est habere, quam quærere: hinc
est, quod Euangelista vt extollat Ioannis gloriam,
Zachariæ patris, Elisabeth matris genus dicit, auos
memorat, scribit merita, loquitur titulos, gradus di-
gerit, vitam pandit, dilatat insignia, prædicat san-
ctitatem. *Fuit, inquit, in diebus Herodis Regis Iudæ.*
Temus memorat Regis nefandi, qui sacrum sa-
cerdotij violauit mœrorem: confundit ordinem,
statum soluit, abstulit institutum. Et hoc accedit ad
meritum Zachariæ: quia cum in omnes pene Hero-
des ausus suæ temeritatis extenderit, ausus sit nihil
in istis virtutibus sit huius oppressus, vt sacerdotis
immaulata successio ad gloriam germinis seruarietur.

Et vxor eius de filiabus *Aaron*. Aaron primus Pontifex in lege fuit sacerdotij origo: propterea merito prætermisſis omnibus eius filia dicitur, cuius in ſe memoria prætulit ſanctitatem, quam tanti generis pia cuſtos glorioſiſſime transfudit in filium. Sed huius matris laudes Euangelista deſcribit, *Erant, inquit, ambo iuſti ante Deum*. Eſt noua felicitas, eſt coniugium ſingulare, quando manet in duobus mens vna, vna ſanctitas in duobus, conſtabat mente, quod diſtabat in ſexu: & in moribus erat vnũ quod geminabat aſpectus: & virtutibus reddebat pares, impares dederat quos natura. *Erant, inquit, iuſti ambo ante Deũ*. Placere iudiciis humanis, coram hominibus eſſe iuſtum, eſt virtutis humanæ, maximi eſt & laboris: ante Deum qui ſcrutatur corda, cogitationes diſcutit, videt mentium motus, eſſe iuſtum humani laboris non eſt, muneris eſt diuini. Si magnus eſt qui non peccat in carne, quantus eſt, qui corde non peccat? Ioannes ergo ſupra carnem eſt natus de iſtis, qui ante Deum nec corde, nec corpore peccauerunt. Adiecit Euangelista, dicens, *Incedentes in omnibus mandatis, & iuſtificationibus Domini ſine querela*. Incidentes, incedit qui non ſtat in triniis peccatorum: qui peregrinum ſe hoc ſentit in ſeculo: qui aſpera virtutum intrat intrepidus manſiones: qui montis iuſtificationum, mandatorum colles indefeſſus viator aſcendit: vt præſentia parentis Dei, patriæ celeſtis beatitudine perfruatur. *Incedentes in omnibus mandatis & iuſtificationibus*. Hi in omnibus, in quibus nemo vel pauci. In omnibus mandatis & iuſtificationibus. Quis fumi neſcius cupiditatum trãſit incendia: quis vitæ lubricum nũquam lapſus euadit? per vitrum gurgites quis impollutus incedit? carnis negotia, vitæ cauſas, actus mundi quis peragit, & non cit in querela,

querela, cum nasci ipsum plenum sit & lachrymis & querelis? Namque parturiens queritur ex dolore, & natus in lachrymas queritur ex natura: sed in Zacharia & Elizabeth reatus occidit, periit querela, omnis est amputata causatio, quia in illis parabatur unde tota sanctitas nasceretur: sed hoc ex ipsa iam lectione luceat. *Et non erat eis, inquit, filius, eo quod esset Elizabeth sterilis.* Sterilitas ista non erat maledicta, sed mystica, in qua partus non ablatus est, sed dilatus: neque erat pignori clausa, sed tempori colebatur tempore, virtute lerebatur, maturabatur ætate, senectute crescebat, ut in filio singulari tota fecunditas pensaretur, quando in vno nascebatur numerositas congesta virtutum. Beata sterilitas quæ vnum servabatur ad partum: & expectabat Ioannem, cui quia prima omnia debebantur, primogeniti dignitas non periret. *Et ambo processerant in diebus suis.* Processerant non decesserant: vixit in sanctis ætas, non defecit, sed processit. Aut quid illis deficit, quibus accedunt semper incrementa virtutum? Ergo in Zacharia & Elizabeth super sexus, frigescit caro, membra sopiuntur, tempus præterit, ætas transit, abolefcit totum quicquid est & humani ordinis, & negotij coniugalis, ut diuino munere, non partu ex hominibus Angelus nasceretur. Promiseramus de ortu Ioannis causas mortis eius expromere, sed quia nos hodie longius sermo protraxit, & ad probationem rei satis nobis necessaria sunt quæ sequuntur, quæ modo dicta sunt, ortus eius deputentur ad gloriam: nosque ingrati non sumus vobis, qui differimus debitum, non negamus: nam debitoribus dilatio crescit ad gratiam creditoris. Expectate ergo quod promittit debitor, & expectate securi, quia promissa negari nequeunt, quando sterilitatem largiter negata solvuntur.

De